

**Aalisarnermik piniarnermillu inuussutissarsiutillit inuussutissarsiornerannik siuarsa-
nermut inatsisip (ESU) allangortinneqarsinnaanera pillugu - taassumalu kingunissai
pillugit - Naalakkersuisut misissuinissaannik Inatsisartut aalajangiiffigisassaattut siun-
nersuut, taamaalilluni siunissami inuussutissarsiutigalugu umiatsiaaqqap pissarsiarine-
rata nalingata 60 %-ianik inuussutissarsiornermi siursaanissaq pillugu taarsigassar-
siisoqarsinnaanngorlugu. Misissuinerup inernera kingusinnerpaamik aggustip aallaq-
qaataani 2016-imi Inatsisartunut agguanneqassaaq.**

(Inatsisartunut ilaasortaq Nikolaj Jeremiassen, Siumut)

Akissuteqaat

(Aalisarnermut, Piniarnermut Nunalerinermullu Naalakkersuisoq)

Aappassaaneerpeqarnera.

Naalakkersuisut sinnerlugit qujavunga Aalisarnermut, Piniarnermut Nunalerinermullu ataatsi-
miititaliap siunnersuummik uuminnga suliarinnissimanerannut kiisalu isumaliutissiissuteqar-
nerannut. Naalakkersuisut aamma nuannaarutigaat siunnersuuteqartup aalisartut atugaannik
ajornerulersitsiniarnermik siunertaqangimmat.

Siunnersuut misissuinerinnarmut tunngammat Naalakkersuisut maluginiarpaat. Naalakkersui-
sulli isumaqarput misissuineq taamaattoq inuussutissarsiummut ataasiinnarmut killilerlugu
tunngatinneqassanngitsoq, aammali inuussutissarsiutinut allanut misissuineq tunngatinneqar-
tariaqartoq.

Naalakkersuisoqarfiup ilisimatitsissutigaa ukioq manna ESU-mit tapiissuteqarniartumik
inuussutissarsiutigalugu umiatsiaarartaarnissamut nammineeirluni aningaasaliinissamik ajor-
nartorsiortumik ataasiinnarmik naammattuuisoqarsimasoq. Naalakkersuisut paasinninnerat
naapertorlugu misissuineq ajunnginnerunersoq imaluunniit naapertuutinnginnerunersoq
misissuititsinissaq Naalakkersuisut naammassissavaat.

Naalakkersuisut kissaatigaat sinerissami qanittumi umiatsiaararsorneq sapinngisamik anner-
paamik imminut inuussutissarsiummit aningaasalersortuussasoq. Soorlu aningaasanik immik-
koortitsinikkut, tassani aalisartut akiliisarlutik, taamaalilluni aalisartut taakkunanga attartor-
sinnaalerlutik.

Siunnersuutip siunertaa ersarissarneqareeripaat ataatsimiititaliarlu suliarinnereerluni
isumaliutissiissummini allanguutissatut siunnersuuteqarluni inassuteqareerluni,
Naalakkersuisut siunnersuut akuerisassatut inassutigissavaat.